



Universitätsbibliothek Paderborn

**Francisci Toleti S. R. E. Cardinalis Svmma Casvvm
Conscientiæ, Sive De Instrvctione Sacerdotvm Lib. VII**

Toledo, Francisco de

Coloniæ Agrippinæ

9. De intellectu præcepti non occidendi.

urn:nbn:de:hbz:466:1-40916

bret, siat irregularis, & videtur consentire Sylu. verb. consecra-
tio. 2. in fine.

Huic sententiæ videtur fauere caput, Episcoporum. de pri-
uilegiis. in 6. nisi velimus restringere hoc caput ad loca interdicta: nam ibi non dicitur, de pollutis, sed de interdictis, & hoc
videtur magis consonum. Nam in cap. illo citato (is, qui) tan-
tum dicitur, quod temerariè agunt celebrantes in polluta Ec-
clesia, & statim celebrantî in interdicto loco infligitur poena
irregularitatis. Cum autem polluta est Ecclesia, si consecrata
erat, est reconcilianda ab Episcopo, etiam cum aqua ab Epi-
scopo benedicta, siue ab eodem, qui prius consecravit benedi-
cta, siue ab alio. Cum autem tantum est Ecclesia benedicta, &
non consecrata, reconciliatio fieri potest per sacerdotem, cum
aqua ab Episcopo benedicta.

Tertia circumstantia in confessione dicenda; est, si per se,
vel cum alijs occidit aut percussit. Si enim cum alijs manife-
stare oportet, an illos ad tale auxilium & factum solicitauerit
& conuocauerit: tunc enim mortaliter peccat, & tot committit
peccata, quot fecit peccare, solicitando ad malum.

Quarta circumstantia est, tempus, in quo decreuit committ-
tere. Si enim multum temporis perseverauit in tali proposito,
vix excusat a multis peccatis, quæ committuntur in multi-
plicatis volitionibus occidendi, vel percutiendi. Hæ sunt cir-
cumstantiae erga hoc peccatum.

De intellectu præcepti, non occidendi.

C A P V T I X.

HOc est ultimum caput ex sex, quæ tractanda de homi-
cidio proposuimus. In hoc igitur præcepto, *non occides*,
Exod. 20. prout a Domino, Matthæi 5. exponitur, quin-
que prohibentur.

Primum est, ipsum nocumentum corporale, ut occidere,
mutilare, percutere, verberare, torquere, incarcere, aliaq; si-
multanea nocimenta; & ad iniuriam pertinentia, ut spuere, arun-
dine percutere, &c.

Secundo prohibentur omnes præparationes, & dispositio-
nes ad similes actus, ut gladium querere percutiendi causa,
enim obseruare, coniurare, id est, multos sub iuramento

vel

vel fide aliqua colligere in occisionem, vel nocumenū malū cius, & alia his similia.

Tertio, prohibentur contumeliae, & conuicia, quibus verbo, aut signo aliquo. In cuius gratiam aduertere, conuicium esse inhonorationem alicuius per verbā, aut signa denotare malum pœnæ, aut malum culpæ; vt cū dicitur alicuius, fur, mendax, &c. Hæc enim ad malum culpæ pertinent: similiter, cū dicitur, stulte, insensate, cæcē, fili illegitime, &c. ad malum pœnæ spectant. Ista igitur cum contemptu, sive verbo, sive nutu, vel litera, vel signo alteri obijcere, conuicium est. Contumelia autem propriè est de malo culpr., vt cum dicatur, latro, mendax, &c. Hoc igitur peccatum de generis suo est mortale, & si est notabilis iniuria, est vere mortale, sive dicitur cum animo inhonorandi, sive sine illo, sed tantum cum ira, dummodo sit deliberatio, & verbum sit notabiliter iniosum.

Sunt tamen casus aliqui, in quibus non est mortale.

Primus est, cū deest plena deliberatio, vt cū quis repentina ira correptus, profert verbum contumeliosum; tamen non erat omnino deliberatio, non esset mortale, nisi postea confirmaret.

Secundus est; cū, licet adsit deliberatio, tamen iniurialis est.

Tertius, cū adsit deliberatio, & iniuria magna est, sed ioco.

Quartus, cū, licet non fiat ioco, tamen sit inter personas pacui momenti, vt inter mulierculas, quæ sèpè rixant, & multa conuicia inuicem iaculari, aut inter seruos, & famulos.

Quintus, cū sit gratia correctionis. Magister enim scilicet cum discipulo, & dominus cum seruo, & pater cum filio, superior cum inferiori. Sic dominus vocauit stultos Discipulos, & Paulus Galatas insensatos; sed tunc debet esse gratia correctionis, alias peccarum esset, & modus est seruandus. Nam non licet superiori iaculari conuicia in inferiorem, ac si esset seruus: immo si esset persona honorata, quamvis esset a consilijs alicuius potentis, si aliquid magnum conuicium ab eodem auctoritate ei inferretur, mortale esset peccatum, si animus adserat inhonorandi.

Quarto, prohibentur in isto præcepto motus animi interioris deliberati, vt mortem velle alicui, vel malum tempore

tale

*nali-
chune
icun
tima
jano,
e: fide
Sechz
u, sue
uicum
cum d
nere s
sue d
um, cum
ter inu*

ale. Qui enim mortem sibi vel alteri extra casus licitos appetit, animo deliberato, mortaliter peccat.

Quintò, prohibentur omnes consortes in tali peccato, qui sunt nouem, conclusi in his versibus,

*Ius&io, consilium, consensus, palpo, recursus,
Participans, mutus, non obstante, non manifestans.*

Ius&io, qui præcipit; consilium, qui consultit; consensus, qui factum ratificat, vel ut fiat, probat; palpo, qui factum laudat, vel ut fiat, laudat; rursus, qui defendit homicidium, vel defensionem promittit; participans, qui iuuat ad factum; mutus, qui non premonet occidendum, vel percutiendum, cum potest & debet; non obstante, qui non prohibet, cum possit, & debeat; non manifestans, qui veritatem innocentis non ostendit, ne damnetur, cum possit & debeat. Omnes hi peccant contra istud præceptum.

De sexto præcepto: De simplici fornicatione.

C A P V T X.

*S*extum præceptum habetur Exodi 20. Non mechaberis: Et erga quod quatuor sunt consideranda. Primum est, quid fornicatio sit. Secundo, quot eius species. Tertiò, quale peccatum. Quartò, quæ in hoc præcepto prohibeantur.

Circa primum, si vis vocabuli consideretur, fornicari, est tenet cum meretricibus habere: descendit enim à nomine fornicix, quod significat loca quædam concamerata ad modū artus, in quibus meretrices se prostituere solebant. Quamvis autem ista sit vis vocabuli, tamē verbum latius patet apud Theologos, & Iuristas, & significat actum illicitum venereum, quoniam modo fiat; sicut etiam extenditur verbum, mœchari: nam propriè tantum significat adulterari. Est igitur fornicatio sic vniuersaliter sumpta, humanus concubitus illicitus.

Dico, *humanus*, quia concubitus aliorum inter se animalium, non dicitur fornicatio; immò nec quicunque *humanus*, nisi qui cum peccato fit, ob id dicitur, *illicitus*.

Huius septem possunt describi species, simplex fornicatio, sprum, adulterium, incestus, rapius, sacrilegium, peccatum terra naturam: quarum singulæ suo sunt ordine explicandæ.

Et igitur simplex fornicatio, concubitus soluti cum soluta.

Voco